

海錄碎事

卯



海錄碎事卷第陸

飲食器用部

酒門

安石榴

扶南傳頓遜國有安石榴取汁停盆中數日成美酒
通典

化酒壺

吳書鄭泉字文淵性嗜酒臨卒謂同類曰必堊我陶
家之側庶百歲化而成土幸見取為酒壺實獲我心
矣



折波浮醴

曲水應詔詩云分庭薦樂折波浮醴注云分水行盃也顏延年

梁市客

列仙傳酒客者梁市酒家之客作酒嘗美日售萬錢

埋照

沈醉似埋照注照光也阮步兵

杜康

曹操短歌行云慨當以慷憂思難忘何以解憂唯有

杜康

斗十千

歸來宴平樂美酒斗十千平樂觀名也曹子建

盪幽默

急觴盪幽默王粲

密勺

瑤漿密勺實羽觴楚詞

浮蟻

浮蟻鼎沸酷烈馨香上

娛腸

可以和神娛腸七啓

沈頓

小器易盈先取沈頓言酒困也吳季重牋

耳熱

酒後耳熱仰天撫缶而呼嗚嗚揚擘

愛竹及酒

辛宣仲居士截竹為瑩以酌酒曰吾性甚愛竹與酒
欲令貳物並耳逸士傳

無愁酒

漢武作無愁酒飲之令人無憂

酒兵

永嘉飲不醉藥方讚左持鄭杓右引徐鐺非爾弘濟

吾降酒兵胜說

鶴觴

世說海東劉白隨善釀酒六月赫曦曝酒於日中不
動餽饋逾於千里號曰鶴觴

顧建康

顧憲之為建康令為政甚得人和時人飲酒醇旨輒
號為顧建康言其清且美

營糟丘

陳暄好飲酒與其姪書曰速營糟丘吾將老焉

惡客

不飲者為惡客出元次山集中山谷詩雪裏過門多惡客

麴居士

山谷詩云萬事盡還麴居士百年常在大槐宮

觥船

杜牧觥船一棹百分空

傾家釀

晉何充字次道能飲酒雅為劉恢所貴云見次道飲令人欲傾家釀言其温克

酒因境多

魏肇師曰徐君房年隨情少酒因境多

鴟腦酒

肅宗張皇后擅權每進酒嘗實鴟腦蓋能令人久醉健龍也

歲酒

林逋山中冬曰詩誰家歲酒熟輟掉憶西村

香窰

香窰獨酌聊為壽從此群芳興亦闌上

茶風酒禿

茶風無柰筆酒禿不勝簪張祐

流涎咽唾

魏文帝詔曰葡萄釀以為酒其於曲米逢之固以流涎咽唾

鬼我我

揚松玠談藪北齊盧思道嘗曰長安酒賤斗價三百能可鬼我我不可令鬼我爾也

糟床注

賴知未黍收已覺糟床注

石榴花

李義山詩我為傷春心自醉不勞君勸石榴花

洪醉

梁元帝徐妃嗜酒多洪醉帝還房必吐衣中

帳飲

野次無宮室故曰帳

常滿盃

十洲記穆王時有盃曰常滿

酒所

漢書上有酒所謂醉此酒所直言飲酒處也

桑落酒

杜詩坐開桑落酒世說桑落何多美酒庾信詩蒲城
桑落酒灞岸菊花天

軟脚

玄宗奉揚國忠第出有飲餞還有軟脚開天傳信

麴秀才

葉法善坐客思酒忽有人扣門云麴秀才居席末論
難鋒起葉疑其魑魅以小劍擊之化為瓶盞乃盈瓶
醇醞坐客醉而揖其瓶曲麴生風味不可忘也出開
天傳信鄭棨撰

郫筒酒

成都府西五十里因水標名曰郫縣蜀王杜宇所都
以竹筒盛美酒號曰郫筒成都記

即官清

國史補酒名則郫之富水烏程之若下又有蝦蟇陵
即官清

酒村

近聞天子詔復許私醞釀趨使養酒村呼兒具盆盞
陸龜蒙

兵厨

步兵校尉厨多美酒阮籍故求之本傳

好飲

陳軫過梁見犀首曰公何好飲犀首曰元事也曰吾請令公饜事可乎犀首魏官公孫衍也史記

十日飲

秦昭王遺平原君書願與君為十日之飲上

優愁睺

旅酒侵愁睺離歌繞懦絃李賀

醉眼禿

揚花撲帳春雲熱龜甲屏風醉眼禿上

頰頰

送客飲別酒千觴元頰頰何物最傷心焉首鳴金鑼

蟻浮浮

隴畝油油黍與葫瓦甌濁醪蟻浮浮

青苧旗

鼉吟浦口飛梅兩竿頭酒旗換青苧並李賀

酒家南董

王績采杜康儀狄以來善酒者為譜李淳風曰君酒家南董也

醉聖

李白酣醉中所撰文章未嘗錯悞而與不醉人議事

皆不出太白所見時人號為醉聖出開元遺事

東鄴

吳錄湘東鄴縣水以水為酒故曰湘東鄴

杯賢杓聖

壺隱仙人嘗吟詩曰杯賢與杓聖與我萬戶封樹萱

綠

北窻三友見詩門

春醪獨撫

靜寄東軒春醪獨撫陶淵明

塵爵

塵爵耻虛壘上

名酒

余閑居寡歡兼比夜已長偶有名酒無夕不飲顧影

獨盡忽焉復醉上

忘憂物

泛此忘憂物遠我遺世情啣詩

滴中適

酒中適何多上

抱甕

語林曰羊雅舒冬月釀酒令人抱甕速得味好

金龜換酒

賀知章一見李白號為謫仙人因解金龜換酒為樂

肝氣微

飲酒肝氣微則面青心氣微則面赤雜難

松花酒

有老人雪中訪崔希真希真飲以松花酒老人云花
澁無味以一丸藥投之酒味頓美王子年拾遺

酒驅俗態

王子第子號太陽子陽子好酒常醉或問之曰晚學
俗態未除故以酒自驅爾神仙傳

騎杯

海東有姓劉人善作酒盛暑可寄千里人謂之騎上
杯也勝說

鸛鷓貫酒

相如與文君居父益貧以所著鸛鷓裘貫酒始得飲
西京雜記

酒濯足

馬周初入京至霸上逆旅遇數公子飲酒不顧周周
即市斗酒傾以濯足其衆異之朝野金載

少年場

唯君莫惜醉認取少年場杜牧之

醉王醉士

李白每醉為文未嘗差人目為醉聖白樂天自稱醉
王皮日休自稱醉士

巢飲

鼈飲

石曼卿與客痛飲露髮跣足著械而坐曰因飲飲于
木杪曰巢飲以藁束之引首出飲曰鼈飲筆談

酒如江見肉門

酪母

酒滓謂之酪母集韻

徐家姊

徐晦嗜酒沈傳師善飧揚嗣復云沈家脾徐家腠直
安穩耶語林

醉花宜晝

醉花宜晝醉雪宜夜醉樓宜暑醉水宜秋醉鄉日月

九不歡

九不歡飲酒不歡之候有九主人吝一也賓輕二也
逞牛飲三也醉鄉日月

歡場害馬

酒徒謂不可與飲者為歡場之害馬醉鄉日月

寒筵冰

飲飾者如暑中置寒筵冰之類醉鄉日月

飲儲

下酒物色謂之飲儲醉鄉日月

狂花病葉

或有勇於牛飲者以巨觥沃之既撼狂花復彫病葉
飲流謂眊眊者為狂花謂目睡者為病葉醉鄉日月

酒德

晏子武王見三神曰予既沉漬殷紂于酒德矣往攻
必戡之

卷褥質酒

李元忠嘗對壺獨酌使兩婢卷褥以質酒北史

醖酒

湘水記衡陽縣東南有醖湖土人取以釀酒其味醇
美所謂醖酒也晉武帝平吳始薦醖酒於太廟左思
賦云飛輕觴而酌醖醖即此是也

象洞酒

象洞在潮梅之間今屬武平縣昔未開招特辟象止
於其中乃謂之象洞其地膏腴稼穡滋茂有美醞邑
人重之曰象洞酒圖經

曲阿酒

梁武帝東行記有覆船山酒瑩山南次高驪山云昔高驪有女東海神乘船致酒禮聘之女不肯海神撥船覆酒流入曲阿故傳曲阿有美酒曲阿在丹徒縣上

被酒

高祖被酒夜徑澤中注被酒者為酒所加彼也西漢紀

酒醪靡穀

文帝詔無乃百姓之從事於末以害農者蕃為酒醪以靡穀者多音糜散也西漢紀

三重釀

師古曰耐三重釀純酒也上

嘗耐

高廟耐奏武德文始五行之舞住正月旦作酒八月成名曰耐耐之言純也至武帝時因八月嘗耐會諸侯廟中出金助祭所謂耐金也耐音直救反上

天之美祿

義和魯臣上言酒者天之美祿所以扶衰養疾也上

百藥長

鹽食穀之將酒百藥之長上

嘉觴

澹容與獻嘉觴 西漢房中歌

百末百酒

百末百酒布蘭生顏師古云百草華之末也以百草華末雜酒故香且美見春秋繁露上齋房歌

甘酒

楚元王為穆生設醴注甘酒也少麴多米一宿而熟

桐馬酒

漢郊祀樂人給大官桐馬酒桐動也馬酪和如酒飲之可醉故呼馬酒

析朝醒

秦尊枯漿析朝醒 齋房歌

畢觴

廣宣延咸畢觴言盡爵也 上

日飲無何

愛盎為吳相或說曰南方卑溫能曰飲元何說王母反而已如此幸得脫何言無餘事也 本傳

不能滿觴

灌夫行酒至曰紛紛膝席曰不能滿觴 上

酒失

灌夫數以酒失過丞相言因酒有失得罪過於丞相

糟丘臺

壘麴便築糟丘臺李白

酒家錢

顏公三十萬盡付酒家錢興發每取之聊向醉中仙

金陵春

堂上三千珠履客甕中百斛金陵春

吳姬壓酒

吳姬壓酒喚客嘗

綉衣貫酒

昔日綉衣何足榮今宵貫酒與君傾李白贈韓侍郎

若琥珀

魯酒若琥珀汶魚紫錦鱗

酒仙人

崔成甫贈李十二白天外常永太白老金陵捉得酒

仙人

酒客

酒客數人棹歌秦淮往石頭訪崔回侍御

鬱金

蘭陵美酒鬱金香玉腕乘來琥珀光

琥珀光見上

對影三人

花間一壺酒獨酌無相親舉盃邀明月對影成三人

勸孤影

獨酌勸孤影上

莫拒盃

勸君莫拒盃春風笑人來

酒仙翁

酒仙翁李白自稱

酒隱

及長南進雲夢覽七澤之壯觀酒隱安陸蹉跎十年

白自謂也已上並李白詩

酒若淮泗

置酒若淮泗積穀如丘山吳都賦

盈樽酌

賴此盈樽酌謝元暉

權醕

武帝天漢三年初權酒醕師古曰權者渡橋也爾雅謂之石杠令之畧約是也禁閉其事總入官而下無由得若渡水之權約音酌

春蟻

庾信集中山公許乞酒一車未送來秋葉幾回落春蟻未曾開

秋釀

張載云造釀以秋

酒經

陶人爲器有酒經晉安人餉人以酒置書云酒一經或二經至五經焉它境人至不達是義聞饋五經束帶迎于門乃知是酒侯鯖集

淫酒

劉曜少而淫酒將戰飲酒數斗以及于敗

黍酒

楚與晉戰司馬子反渴而求飲豎陽穀搽黍酒而進之注酒器受三斗曰黍呂氏春秋

柳漿

南蠻赤土國以甘蔗作酒雜以紫瓜根酒色黃赤亦名柳漿爲酒

酒腸

爲君開酒腸顛倒舞相飲白居易

扶頭酒

一盞扶頭酒泓澄瀉玉壺十分醅甲酌激滯滿銀盃
白樂天

萬家春

坡詩持我萬家春一酌五柳陶披在廣南自釀酒之

甕頭春

綠綺靜諳絃外意白雲閑撒甕頭春

嗑嗑百榼

平原君與子高飲強子高酒曰昔者遺諺堯舜千鍾
孔叢子百斛子路嗑嗑尚飲百榼古之聖賢無不能
飲也

白擲劇飲

北齊元行恭少頗驕恣父文遙令與盧思道交遊文
遙謂盧思道曰小兒微有所知是大弟子之力白擲
劇飲甚得師風思道即曰六郎辭情爽邁而白擲劇
飲亦天性所得

十旬清

九醞甘醴十旬蕪清注清酒百日而成南都賦

凍飲

桂糟凍飲耐清涼注凍冷也魏都賦

凍醴温耐

魏都賦

凍醴流澌温酌躍波上

清醑如濟

清醑如濟濁醪如河上

湘吳酌

雪賦酌湘吳之醇酌湘謂湘川鄆陵縣吳謂烏程若下酒二處皆有名

蘭卮

蘭卮獻時哲言酒布蘭生謝靈運

油油退

漢記曰君子之飲酒也一爵而色酒如二爵而言言

斯三爵而油油以退

盈觴酒

獨有盈觴酒與子結綢繆李陵

綠樽

賓至下塵榻憂來命綠樽沈休文詩

舞玉戎

庾信答餉酒未能扶畢卓猶足舞玉戎

蘭英酒

漬蘭葉為之使香也

春清縹酒

春清縹酒狄康所營匹妙及七命

鄴淶酒

盛弘之荊州記淶水出豫章康樂縣其間烏程鄉有酒官取水為酒極甘美與湘東鄴湖酒年嘗獻之世稱鄴淶酒

鄴湖酒見上

蒼竹葉

蒼竹葉青宜城九醒酒也出張華輕薄篇

飲酒過差

阮嗣宗與物無傷唯酒過差耳嵇康書

金樽凸

十分瀲灩金樽凸

酒膽豚

豚字呼關切頑也當在山字韻劉夢得有盃前膽不豚趙總有吞船酒膽豚之句禮部韻不收唐韻亦無

漢臯詩話

酒戶加

父隨萍梗鄉音改因奉王使酒戶加

玉酒

瀛州有玉膏如酒味名曰玉酒飲數升輒醉令人長

海陽書屋錄詩子孫

借書錄前漢書卷之四

生十洲記

下若酒

若溪在長興縣南輿地志云南曰上若北曰下若下若水釀酒醇美常昭吳錄云烏程下若酒有名劉禹錫云鸚鵡林中若下春謂酒也

若下春見上

烏程

因居人烏氏程氏善釀得名

霑餘瀝

分鴈鷺之稻梁霑玉犖之餘瀝廣絕交論

飲淵明舍

何法盛晉中興書顏延之為始安郡道經潯陽常飲淵明舍自晨達昏及淵明卒為誅極其思致

酒有權

鄭谷情多最恨花無語愁破方知酒有權

食門

藜藿

藜藿美注藜藿草似蓬藿豆葉也史通子

糲梁食

糲梁食張晏云一斛粟七斗米為糲音賴漢書注

奇羞

後主百品盛奇羞

椒糝

巫咸將久降兮懷椒糝而要之音所米切楚誨

瓊靡

折瓊枝以為羞精瓊靡以為糝音靡屑也糝音張糧也上

蕙蒸蘭籍

九歌蕙蒸兮蘭籍奠桂酒兮椒漿

吳羹

和酸若苦陳吳羹上

蔗漿

濡鼈炮羔有蔗漿上

腐腸藥

甘脆肥醲命曰腐腸之藥枚乘七發

搗牛腹

搗牛之腹菜以笋蒲上

折芰燔枯

折芰燔枯注枯乾魚也任彥升表

羅閣

海國書屋孫州子孫

世昌書局影印

異物志云高昌僻土有異於華寒服冷水暑飲羅閣
注云高昌郡人呼粥為羅閣也

製魚額

語曰寧去累世宅不去製魚額雜俎

合瀾鱈

語曰得合瀾鱈雖不足豪亦足以高上

露葵羹

彫胡飯

主人女為臣炊彫胡之飯烹露葵之羹披白縠之單
衫垂珠步搖來排臣戶相如諷賦

杭子

杭子音元鹽鴨子也以其用杭水皮汁和鹽漬之

含肚養

石首魚鹽淹曝乾謂之含肚養上

熊白

當心有白脂如玉味甚美俗呼熊白淮南子

甘狗羹

楚人烹侯召其鄰以為狗羹而甘之山海經

草具

范睢見須賈使舍食草史記

善飯

海馬書屋

昔葛高文免正

趙使曰廉將軍雖老尚善飯然與臣坐頃之三遺欠
矣史記本傳

食蛙 庾見光景門

蓬池鱠

李德裕述夢詩云荷靜蓬池鱠冰寒郢水醪注學士
初上賜食皆蓬萊池鱠憂至頒冰及酒以酒味濃和
冰而飲禁中有郢酒坊

安成食

南朝安成公何勗無忌之子臨汝公孟靈休昶之子
以穀膳器服車馬相高都下語曰安成食臨汝飾

五侯鯖

漢婁君卿歷遊五侯之門每旦五侯遺餉之君卿合
為鯖世傳五侯鯖音征煎和之名

佳設

羊曼在丹陽客來早者得佳設

高陽食

高陽一食直我千日 洛陽伽藍記

燒尾食

唐景龍中初拜官者例各進食名曰燒尾食

下食客

安成書屋金言

世昌書局影印

謝惠連父方明族子靈運謂曰阿連才悟如此而以
常兒待之何長瑜當今仲宣而飽以下客之食

差煮

差煮宜羊貊煮宜犢語林

清酒特炙

陸機百年歌清酒特炙柰樂何古樂府

杏酪麥粥

孫楚祭子推文云黍飯一盤醴酪二盃清泉甘水充
君之厨今寒食否酪麥粥即其類也荆楚歲時記

山膳

若擬營山膳相隨折晚松陶詩

大牢具

項王使者來為大牢具舉欲進之西漢志

惡食

以惡食食項王使者上

爭奏酒炙

延壽被誅老小扶持車轂爭奏酒炙

麪起餅

齊永明九年詔太廟四時薦麪餅疑今之蒸餅也

尊龜

尊羹絕美江東人謂之尊龜

雜俎

炊金饌玉

駱賓王謂盛饌曰炊金饌玉

乳糜香飯

晉劉孝威啓曰乳糜香飯素糝糲漿

蒸葫蘆

鄭餘慶處分厨家爛蒸去毛莫拗折項客以為必是

鵝鴨乃是爛蒸葫蘆

商芸小說

飯三升

關駟性能多食一飯至三升乃飽

治具

魏其夫妻治具至今未敢嘗食

灌夫傳

母食馬肝

食肉無食馬肝未為不知味也注馬肝有毒食之善

殺人

西漢志

挂蠹

南越王獻挂蠹一器注蟲食挂故味帝而漬之以蜜

食之也

前南粵王傳

家鹿

倦游錄廣南人食鼠謂之家鹿

落頭鮮

送人郎卿無慙折腰吏勉食落頭鮮主筠人相尚食腐魚故俗傳為落頭鮮

囚犢奪乳

囚犢奪乳劫蜂食蜜又以油引出罈上之虫而食謂之三奪食出佛書

三奪食見上

庖霜浙玉

庖霜浙玉贈玄鯽炊香粳魯直詩

酒車

酒車酌醴方駕授饗左氏注熟食曰饗西京賦

修薄具

修薄具而自設注具殺饌也長門賦

甘膳

飯食則温淳甘膳美也昌芮反十發

笔山膚

肥狗之和冒以山膚注熊白也冒與笔同上

楚苗

楚苗之食安胡之飯或云彫胡上

熊蹯

熊蹯

古詩為故絕

能蹠之蹠音煩而上

豢豹胎

豢豹胎言所養豹上

小飯大歡

小飲大歡如湯沃雪上

蟬翼剖

蟬翼剖言其切之薄也上啓

蓐收調辛

蓐收調辛玄冥適鹹上

極陸毛

極陸毛窮海錯七命

晨鳧露鵠

晨鳧露鵠言味之美上

封熊蹠

封熊之蹠翰音之距上

淨饌

淨饌素餐見藝文

象白

象白猶熊白也上

鷓鴣猩唇

鷓鴣猩唇

燕髯猩唇薄米及七命

命支離

命支離飛霜鏤紅肌綺散素膚雪落注支離古之屠
人七命

膚寸殺修

選應休理書接武茅茨涼過大厦膚寸者修味踰方
丈注四指為膚

茶門 小品附

紫筍茶

清明日湖州進紫筍茶 荆楚歲時記

茗一車

權紆茗讚云窮春秋演河圖不如載茗一車

雪水滯

陸羽品第水以雪水第二十二云煎茶滯而太冷也

茶癖酒狂

鄧利云陸羽茶既為癖酒亦稱狂

水厄

晉王濛好飲賓客茶每欲往候則云今日有水厄世

說

蒙頂

蜀之雅州有蒙山上有五頂各有茶園中頂曰上清
峯亦通呼五頂

煮水處士

越僧囊有數編書張君房抽一通卷末題云煮水處
士卷中言水晶第

瑟瑟塵

茶詩石碾輕飛瑟瑟塵林逋

茶瀉

瀉瀉樂泉來石竇霏霏茶瀉出松梢上

煮晚濃

紙軸敲晴響茶鑄者晚濃上

茶風酒禿見酒門

茶仙

杜牧池州茶山病不飲酒詩云誰知病太守猶得作
茶仙

蟾背蝦目

茶賦候蟾背之芳香觀蝦目之沸湧

蝦蟆背

茶經凡炙茶候炮出培塿狀如蝦蟆即去火

魚目

茶賦其沸如魚目微如有聲為一沸緣邊如湧泉連改為二沸滕波鼓浪為三沸過是老矣

酪蒼頭

豈可為酪蒼頭使令代酒從事言茶也

茗戰

茗戰茶錄

細漚

細漚花泛浮餽雲騰言茶茶錄

苦茶

爾雅曰檟苦茶注云檟一名苦茶郭云樹小似梔子

冬生葉可煮作羹飲今呼早采者為茶晚取者為茗

一名舜蜀人名之苦茶

茶治熱

故老云伍十年前多患熱黃坊曲有專以烙黃為業者潮漚諸水中常有晝坐至暮為之浸黃近代悉用而病腰脚者多飲茶所致 國史補

石花紫笋

皆茶名也劍南有蒙頂石花湖州有顧渚紫笋峽有

碧澗明月上

斛二瘕

海馬山... 斛二瘕

續搜神記有人能茗飲至一斛二斗忽飲過量數勝
吐出一物如牛肺以茗澆之容一斛二斗因名之斛
二瘕封氏見聞記

茗粥

茶古不聞食晉宋已降吳人採葉煮之名爲茗粥茶
錄

瑠璃眼

皇孫奉節王好詩初煎茶如酥椒之類求詩必戲云
旋沫番成碧玉池添酥散出瑠璃眼奉節王即德宗
鄴使家傳

煎茶博士

御史大夫李季卿宣慰江南召陸鴻漸煎茶鴻漸爲
盡藝旣畢命奴子取錢三十文酬煎茶博士鴻漸羞
復著毀茶論語林

毀茶論見上

貢焙

唐制湖州造茶最多謂之顧渚貢焙歲造一萬八千
四百八斤南郡新書

仙人掌茶

出荊州玉泉寺拳然重疊其狀如手故號仙人掌茶

玉泉真公採而食之年八十餘歲顏色如桃花此茗清香滑熱異於他者所以能還重振枯扶人壽

茶煙

茶煙輕颺落花中杜牧之

滌煩子

茶為滌煩子酒為忘憂君施眉吾

白茶山

圖經云永嘉縣東有白茶山

壺居士

壺居士著食忌云茶又食羽化不可與韭同食令耳

龍耳

魚肉門

洛鯉

里語曰洛鯉伊魴貴於牛羊

伊魴

魴一名鮠今之青鱖也其廣方其厚薄故一曰魴魚一曰鱖魚

吳餘鱠

吳孫權嘗行江食鱠棄其餘悉化為魚其長數寸大如箸猶贈條因名吳餘鱠張華博物志

洞庭鮒

洞庭之鮒灌水之鮒

鮑魚

鮑今之鮑魚也於業及

紅肥花落

呼兒拂几霜刃揮紅肥花落白雪霏謂斫鱠也李白

糝糝炙

肉之美者猩猩之唇糝糝之肉呂氏春秋

嘗一肉

嘗一肉而知一鑊之味一鼎之調上

肉如墀

晉應碩祝社文有肉如墀有酒如江

蔬菜門

秋黃蘇

秋黃之蘇白露之茹七發

白露茹

霜蓄露葵

霜蓄露葵蓄菜也七啓

孤山葱

漁川記有孤山岩石崔嵬上有葱如人所種人時往

取援輒斷絕請神而求不挽自出

崑崙瓜

茄子也一名落蘇一名崑崙瓜

事見拾遺本草

早韭晚菘

齊周顒隱鍾山王儉謂曰山中所食何者最勝曰春
初早韭秋末晚菘

琅菜

漢武內傳西王母有碧之琅菜

去邪蒿

北齊邢峙為博士授太子經厨人進邪蒿峙命去之

曰此菜有不正之名顯祖嘉之

蜀蕻吳菘

闊葉吳菘巨根蜀蕻

雲薇

晉咸寧中於金墉城種異菜名雲薇又曰雲芝

拾遺記

玉蔬

始皇遣徐福入海求金菜玉蔬

馗厨

江東人呼地蕈為土菌亦曰馗厨爾雅謂之中馗也

瓠棲

瓠棲瓠中瓣也人齒美者似之詩云齒如瓠犀是也
絲蓴

蓴七八月以前為絲蓴至冬為猪蓴

綺葱

仙人上藥有玄都綺葱漢武內傳

羊踏菜園

陸雲笑林昔有人嘗食蔬茹忽食羊肉夢五藏神曰

羊踏破菜園

草鍾乳

養生訣錄云韭性暖號草鍾乳

種葱月

葱四月種蘿蔔及葵六月種蔓菁七月種芥八月種

瓜二月種齊民要術

綠葵白薤

綠葵含露白薤負霜閑居賦

醍醐菜

葉似道人頭根本如水芹其味甘香

米麪門餅餌附

梁甫銀泥

吳均餌說云細如華山玉屑白似梁甫銀泥

本草綱目卷之九 菜部 羊踏菜園 草鍾乳 種葱月 瓜 綠葵白薤 醍醐菜 米麪門餅餌附 梁甫銀泥 吳均餌說云細如華山玉屑白似梁甫銀泥

密餌

糗糒密餌有餽餽宋王拓魏

五里香

魏文帝與朝臣書云江表唯長沙名有好米風吹之

五里聞香

通腸米

南楚新聞荆南孫儒之亂斗米四十千持金寶換易

總得一撮一合謂之通腸米言飢人不可食他物唯

煎米飲之可以稍通腸胃

宴會門妓女附

後筵

溫渥浹輿隸和惠屬後筵顏延年詩

佐酒

漢高還遇沛悉召故人父老子弟佐酒助飲酒也高

帝紀

飲帳

洪波陪飲帳林光宴秦餘洪波趙簡子臺林光秦殿

名陸韓卿詩

兼日養

既作長夜飲豈願兼日養注養樂也上繫

海陽書屋金言

信齋書

光妓

光妓儼其階列注光華之妓也笙賤

近賓

華堂曲宴密友近賓上

試周郎

王勣詠妓不應令曲誤特此試周郎

臨歌扇

陳子昂詠妓明月臨歌扇行雲接舞衣

高宴南榮南窗也古心法

梁元帝妓詩日斜下北閣高宴出南榮

奏妓

隋虞茂衡有奏妓詩

官婢

漢書注王君公為郎自污與官婢通免歸

女騎

石季龍以女騎一千為鹵簿皆著紫繪巾熟錦袴金銀鏤帶遊於戲馬觀

帳集

沈約前緩聲歌羽人廣宵宴帳集淫池東

綺羅堆

海國書卷三

世說新語

綺羅堆裏春風畔 韓滉

官奴

漢書昌邑王賀引內昌邑官奴二百餘人

狎坐

美人狎坐飛瓊觴 李賀

五離詩

鑑誠錄蜀妓薛濤獲罪連師作五離詩犬離家魚離

池鸚鵡離籠竹離叢珠離掌帥復喜焉

軟脚局

郭子儀自同州歸詔大臣就宅作軟脚局人率三百

十大唐遺記

六鶴齊飛

列子曰虞氏設樂飲酒擊博樓上其齒以牙飾以箭

長五寸其數六刻一頭作鶴形仙經云六鶴齊飛蓋

其名也醉鄉日月

張具

益市牛酒夜洒掃張吳 灌夫傳

選妓徵歌

選妓隨彫輦徵歌入洞房 李白

霄何分

酒中樂酣霄向分中仲反中半也李白

化綵雲

只愁歌舞散化作綵雲飛上

延落景

置酒延落景上

清夜娛

織作玉床席欣承清夜娛上

皓月窺醉

皓月生海來窺醉客上

煙霞輔賞

窮朝晚以作宴驅煙霞而輔賞上

飛觴舉白

飛觴舉白大白杯名犯令者飲之

殺駟酒駕

殺駟連鏡酒駕方軒七命

舉白

削青爭落筆舉白闔飛觴劉子儀

十眉

十眉繖列坐生光東坡

席長筵

海陽書屋金言子孫

世白易文卷之五

席長筵列孫子閑居賦

娛密坐

鄭衛之樂所以娛密坐接籥欣也選賦

解嚴顏

解嚴顏擢幽情笙賦

縹瓷

傾縹瓷以酌醴匹妙灰淺碧色笙賦

集同好

集同好延友生笑賦

折波行醴見酒門

折波行醴謂分水流盃也

金谷集

潘安仁金谷集嘗作詩

池上酌

已有池上酌復此風中琴謝元暉

湘川娥

南要湘川娥陸機前緩聲歌

斗酒相娛

斗酒相娛樂聊厚不為薄古詩

飛華萍接

飛華萍接

飛華萍接浮蟻星沸七命

觴酌流行

觴酌流行絲竹並奏魏文帝書

觴酌陵波

觴酌陵波於前筚蕭發音於後曹子建書

填石壑

食若填石壑飲若灌漏卮

傾海為酒

傾海為酒并山為釂吳李重書

家素習妓

家素習妓頗有秦趙之聲思歸引

閱水環階

閱水環階引池分席言流盃如此也顏延年詩序

觴酌

觴酌浮泛鄭玄禮記注曰酌音酒也上

情盤

情盤景遽歡洽日斜盤樂也上

激水移

蕙散芳醴任激水以推移言流觴也王元長詩序

千人帳

千人帳

韓榭上令狐相公臨風高會千人帳映水連營百乘車

謝秋娘

謝秋娘曲始自李德裕鎮浙西日為亡妓謝秋娘作後改曰望江南亦曰夢江南李德裕詩序

一笑樂

日至吏以令休宜從眾歸對妻子設酒散請鄰里一

笑相樂薛宣傳

飲器門

紫泉缸

皮日休詩愛携白木鍾多買紫泉缸

白醅缸

陸龜蒙詩俗諺珠樹曲村餉白醅缸

鰕頭盃

南越忘云南海以鰕頭為盃須長數尺以金銀鏤之

蘭卮

謝靈運九日戲馬臺詩云鳴葭戾朱宮蘭卮獻時哲

羽觴

金罍含甘醴羽觴行無方羽觴者酒盃為雀形也劉

公幹詩

鸞觴

鸞觴酌醴神鼎烹魚言為鸞鳳之文稽叔夜詩

澄觴

澄觴滿金壘魏太子

玉交盃

李義山冰簟且眠金縷枕瓊筵不醉玉交盃

酌車渠

梁簡文車渠屢酌鸚鵡駉傾

蠻榼

李九齡送人東遊莫嘆青山拋皓月且傾蠻榼盡濃

醪

雞鵝卮

唐昭宗賜莊宗鷄鵝酒卮翡翠盤是時莊宗年十一

又云昭宗曰此子可亞其父人名之亞子瑣言

偏提

元和後酌酒用注子其形若瑩而蓋紫柄具大和後中貴惡其名同鄭注乃去柄安系若茗瓶而小日之曰偏提資暇集

分盃

煬帝分御盃以賜秘監諸葛頴分盃之法起自籌擘

師用藥物着帽簪對賓客取以畫酒卽中斷大業記

小觴

別館驚殘夢停盃泛小觴李賀

千年觥

黃鵠跌舞千年觥上

鵠尾杓

陳思王有鵠尾杓柄直長置之酒樽王欲勸者呼之

則尾指其人朝野僉載

碧霞觴見道仙門

璫碧樽

劉損瓜賦馮彫王之九酌璫碧之樽

竹根杯

野爐然樹葉山杯捧竹根庾信謝趙王賜酒

飲器武

飲器大曰武小曰文醉鄉日月

鴟夷勝

師古云鴟夷卽今之盛酒鴟夷勝也

鴟夷滑稽

鴟夷滑稽腹大如壺注鴟夷常囊以盛酒也滑稽者

圓轉縱捨無無窮之狀揚雄酒箴

安陽書局影印

繫青絲

玉壺繫青絲沽酒來何遲 李白

百壺

滌蕩千古愁留連百壺飲 上

綠玉盃

遺我綠玉盃兼之紫瓊琴 上

瘦木樽

李白詠柳少府山瘦木樽成山岳藝材是棟梁餘

肉杆

音聲不然快作燕市飲笑撫肉杆眠酒壚 陸龜蒙

熊耳杯 見鞭蓋門

翠樽彫觴

盛以翠樽酌以彫觴 七啓

金觚

誰復勸金觚酒器中大者呼為船賓僚常願形蹟未嘗以此相勸是時李德裕謫出潤州

金鑿絡

蒼枯令金佐堯從賊被點面嘗自稱金鑿絡湘楚人以盛華中鏤鏤金渡者為金鑿絡

食器門

犀筋

常琳天寶中作艱表以刺時云遠厠玳筵猥頌犀筋

長生瓢

長生木瓢示真率鄴中記長生木八九月生花色白

子赤大如椽子

什具

古者師行二五為什食器之類必供之故曰什物什具也

玉俎

後主玉俎且共甘羽觴合同嘉

七奠拌

晉書桓濕為大司馬征西大將軍性儉每燕惟下七奠拌茶果而已拌音盤

羅八珎

後主金釭明五夜玉盤羅八珎

庖厨門

五熟釜

魏文帝在東官賜鍾繇五熟釜而銘之

中厨

嘉賓填成闕豐膳出中厨曹子建詩

櫻筍厨

四月十五日自堂厨至有司厨通謂之櫻筍厨荆楚歲時記

孟嘗鑊

青州南城佛寺有二大鑊大者容四十石小者容三十石舊佛寺即孟嘗君宅鑊即用以待食客者李任毀為兵器封氏見聞記

三隅竈

詩樵彼桑薪邛烘于堪郭璞云堪三隅竈也佐祭得嘗

佐祭得嘗佐闔得傷淮南子之言

煎和門

大苦

九辯云大苦鹹酸辛甘行注大苦豉鹹鹽酸酢辛薑甘密也

適鹹調辛

玄宴適鹹葶收調辛七啓

火劑

凡諸火劑並皆始熟一時珍羞莫不必備火劑言煎熟滋味也

越裳梅

鮪以大夏之鹽酢以越裳之梅崔駰七依

齊蘭梅

河龜之羹齊以蘭梅

燂秋橙

燂以秋橙和以春梅燂煮也 七命

陽樸薑

滋以陽樸之薑

脯醬門

魚鱸

魚鱸魚制皆魚醬也 上音祚下音製

婁脯

婁脯堯時厨中自生肉薄如婁揺鼓生風食物不臭

諸集拾遺

醒酒鯖

虞棕敵齊武醒酒鱗鮓方

糟蟹

何胤侈於食味稍除去其太甚者猶有醞醋糟蟹陸詩云自是揚雄知郭索且非何胤敢餽餽集韻餽餽餌也

醴鹽門 糖蜜附

朱蜜

漢武內傳上藥有中華紫蜜雲山朱蜜

渠展鹽

管子齊有渠展之鹽燕有遼東之煮

風林鳴醋

漢武內傳王母謂帝曰仙藥有風林鳴醋

十二香醬

仙食經有十二香醬以沉香等油煎成

連珠雲醬

神仙上藥有連珠雲醬玉津金醬

崖蜜

本草石蜜即崖蜜也其蜂黑色作房於岩崖高峻處

玉華鹽

胡中有鹽瑩徹如水精謂之玉華鹽以供王厨

形糖

高釘形糖滿傾甘醪

胡鹽

魏太武送九種鹽內胡鹽 治目病

薦胎

糖一名蔗昭集韻

蜜房

蜀都賦蜜房都毓被其阜

石蜜

魏文帝詔群臣南方有龍眼荔枝寧比西園蒲萄石蜜石蜜乳糖也

卉醴

卉醴阨花物外香清濃標格勝椒漿注仙經呼蜜為卉醴鄭畋三勒漿詩

五色鹽

五色鹽出安息國

食穀將

鹽食穀之將酒百藥之長西漢志

白鹽如玉

白鹽如玉赤鹽如朱高昌國

九種鹽

魏文武征彭城遣送九種鹽并胡鼓求黃耳

苦酒

魏名臣傳官販苦酒與百姓爭錐刀之末宜停之注苦酒者醋也

薪炭門

獸炭

晉年琇屑炭和作獸形以温酒洛下皆効之

馬通薪

山谷言城西張仲謀為我寒惠送騏驥院馬通薪三

百秤

桐薪

淮南子巨斧擊桐薪不待利時良日然後破之

編管秉秤

左傳楚令尹卻氏或取一編管焉或取一秉秤焉注

秉把也

尋桂

盡燼重尋桂紅粒貴瑤瓊張景陽

桂玉

戰國策蘇秦之楚三日乃見王曰楚國食貴於玉薪

貴於桂

炭料

獸炭曰炭料

鍊炭

洛下有豪子飲食鮮華有李使君亦尚豪侈尚其召

之曾不下箸及飯至李曰試食此以炭炊豪子勉食
一匙曰凡以炭炊先燒炭熟謂之鍊炭方無烟氣此
非也劇談錄

龍芻

東海省島曰龍駒川穆天子養八駿處島中有草名
龍芻馬食之行百里語曰一抹龍芻化為龍駒拾遺

甘露芻

劉恢馬詩絡首纏馱尾養以甘露芻

樵蘇

樵蘇後夔師不宿飽注樵取薪也蘇取草也史記

香門

百濯香

吳孫亮寵姬有異香歷年弥盛百浣不歇名曰百濯
香

菡萏鑪

篩逢詩碧碎鴛鴦瓦香埋菡萏鑪

無礙香

張說詩願寄無礙香隨心到南海

五香

一木五香根旃檀節沉花雞舌葉藿膠薰陸

辟惡香

庾信盤龍明鏡餉秦嘉辟惡生香寄韓壽

妙香

燈影照無睡心清聞妙香維摩經云坐香樹下聞斯

妙香

杜詩

異香

危洛五蘊七香湯踞通沉水香坐燎降神百蘊香昭
儀浴豈尅湯傳露華百英粉帝嘗私語樊嬖曰后雖
有異香不如昭儀躰自香也

百蘊香

見上

伍蘊香

見上

返生香

拾遺傳月支國進異香漢武帝焚之死三日皆活一
日返生香一曰却死香

蘇合香

南史大秦國出蘇合香是諸香汁煎之非自然一物
也又大秦人采蘇合先管其汁以為香膏乃賣其滓

震檀香

震檀香乃返龜香也出聚窟洲亦名却死香一種六
名漢武時月支國嘗獻之

靈蕪

靈蕪盤穗養良常靈無香也 林適

象藏香

象藏香因龍鬪而生燒之一丸凝停七日降金色雨
霑人身悉皆金色

沉榆香

詔群臣受德教者先燃沉榆之香 拾遺記

九回香

趙飛燕妹婕妤名合德每沐以九回香膏髮為薄
眉號遠山黛施小朱號慵來粧雜俎

石葉香

欲燻羅薦嫌龍腦須為尋求石葉香段成式

逆風聞

林公曰白梅檀非不馥焉能逆風成實論曰波利賓
多天樹其香則迺風而聞

龍鱗香

葉子曰郎棧香之薄者又曰龍鱗香

意可香

意可香初名宜愛或云此江南宮中香有美人字曰
宜愛此香故名宜愛山谷曰香殊不凡而名乃有貽

粉氣易名曰意可

鵲尾炉

香炉有柄曰鵲尾炉費崇先信佛法嘗以鵲尾炉置
膝上珠林

三天下

香氣三天下鐘声万壑連

李白

五色煙

皮日休五色香煙惹内文注許遠遊燒香五色煙

沉木香

林色國土人破斫之積以歲年朽爛而心節獨在置

水中則沉故名曰沉香不沉名棧香

侍史香

塵暗神妃鞵衣殘侍史香

楊文公詩

芝印

香字消芝印金經發帛函

梵字香

翻了西天偈燒餘梵字香

雜器用門

獸子

匈奴破月支王以其頭為飲器師古云獸子藥器所

以澉便者也

女須砧

李義山床空鄂碧被杵冷女須砧

留犁

漢書單于以徑路刀金留犁撓酒應邵云留犁飯也

懶架頑盆

一塌竹風橫懶架半軒花月到頑盆林逋

金屈膝

織女屏風金屈膝

席壽

器用經文謂之席壽考工記云犀甲壽百年

胡床

改胡床為交床胡瓜為白露黃瓜改茄子為崑崙

紫瓜大業記

浮金鐘

顛頊有浮之鐘沉明之磬羽毛微物拂之則其聲振於百里拾遺記

霜鳴鐘

豐山有九耳鐘霜降則自鳴也山海經

碧玉鐘

漢武起騰光臺臺上撞碧玉鍾洞冥紀

銘簡

趙廣漢教吏為鏡簡注音項如瓶可受投書師古曰
如藏瓶可入不可出

服匿

於鄴王賜蘇武服匿注河東北界人呼小石罌受二
斗所曰服匿

舒州杓

海錄碎事卷第柒上

聖賢人事部上

聖賢門 炳靈附

龍工往

瞽叟使舜浚井二女曰去汝衣裳龍工往又使塗廩
二女曰鵲汝衣裳鳥工往鵲錯也列女傳

先天太后

先天太后老子母也有李母墳

素丞相

論衡曰孔子不王素王之業在於春秋桓君山素丞

相之迹存於新論者也君山名譚著書言當世事二十九篇云

鳥喙牛唇

後漢書注伏羲牛首女媧蛇軀皐陶馬喙孔子牛唇

珠衡犀角

顏淵山庭日角曾子珠衡犀角

秋伯冬伯

皐陶為秋伯垂為冬伯聖賢群輔錄

麗山氏

遁甲開山記云麗山氏分布元氣

嘘風雨

帝王五運曆年記曰盤古之君龍首蛇身嘘為風雨

吹為雷電

閉目為夜

又盤古左目為日右目為月開目為晝閉目為夜

璇宮夜織

少昊母曰皇娥處璇宮夜織白帝之子降其室作歌

曰驅光逐景窮水域璇宮夜靜當軒織拾遺記

三漏耳

帝王世紀堯眉八綵禹耳三漏諸集拾遺

東明公

西明公

夏啓為東明公文王為西明公召公奭為南明公季
札為北明公四明公主領四方鬼

典柄侯

北帝用頤和為執蓋即范明廷補典柄侯

執蓋即見上

大禁農

大禁農如今尚書令漢光武孫文臺為之中禁農如
今之中書今顏懷揚彪為之

太山君

荀顛為太山君

耕夫讓畔

執耜歷山耕夫讓畔施吾漁澤漁父讓川温子昇舜
廟碑

伊尹酒保

伊尹酒保立為世師鶡冠子

尼甫

逮諸尼甫稽諸陰陽云行夏之時後王所不易以仲
尼為尼甫未知所出

九皇

比德於九皇注上古有人皇者九人

四肘

湯以九日生故名履字天乙臂有四肘

帝魁

帝魁神農名南都賦注

鱗身蛇軀

伏羲鱗身女媧蛇軀靈光殿賦

孔席不煖

孔席不煖墨突不黔班固答賓戲

夏后兩龍

夏后兩龍載驅璿臺之上穆王八駿如舞瑤水之陰

山海經大樂之野夏后啓於此舞九代馬乘兩龍

栢皇栗陸

栢皇栗陸以前為而不有應而不求上古帝王也

太阿

周賴尚父殷憑太阿謂伊尹也

熊豹臨戲

翊善友伊昔帝唐九官咸事熊豹臨戲納言是司仲

熊救豹高辛氏才子也太臨擣戲高陽氏才子也沈

休文表

山死

冥勤其官而水死稷勤百穀而山死

歲星

東方朔死上問王母使者對曰朔是木帝精為歲星
下游人中觀天下非陛下臣也

漢武故事

電繞斗樞

電光繞北斗樞附寶感而生軒轅

星流華渚

大星如虹下流華渚女節感而生白帝

星貫月

顓頊母女樞有星貫月感而生顓頊

龍顏

春秋元命包曰女登生子人面龍顏始為天子

吞玄鳥耶

狄簡吞生契為商之始女脩吞生大業秦之先也

英星

英星垂將校神岳誕忠良

黃河清

運命論云黃河清而聖人生里社鳴而聖人出易乾
鑿度曰聖人受命瑞應先見於河河水先清清變白

白變赤赤變黑黑變黃各三日

里社鳴

春秋潛潭巴日里社鳴此里有聖人出其响百姓歸天辟亡宋均日里社之君鳴則教令行响聖人之怒者聖人怒則天辟亡矣湯放桀盖此祥明鳴通用

嶽吐符

峩峩崇嶽吐符降神陳太丘銘言生賢也

玉筐

選是開金運祚始玉筐注有娥氏女取玉筐以覆燕少選遺邠而去有娥氏女取而吞之於是生契

父子門 教子愛子附

私敬

揚立感與父素俱為柱國朝會則齊列隋文帝命立感降一等謝曰不意陛下寵臣之甚詩以公庭展私敬

分子

彭美與諸葛亮云從布衣之中擢為國亡盜切茂才分子之厚誰復過此注云言分兒子厚恩施之於已也

阿多

迴鶻謂父曰阿多出唐會要

在三之節見師授門

君家尊

謝安問猷之曰君書何如君家尊答曰故當不同

七業

晉劉殷字長盛有子七人各授一經一門之內七業

俱成

左酒右漿

北堂書紗云子弟職曰左酒右漿

決疑要錄曰父南面故曰昭明也子北面故曰穆順

晉以文帝名昭故讀曰韶後人因而不改

介子

石上葛

介子次子也

李賀詩子孫綿如石上葛

世及

父子相繼曰世兄弟相傳曰及

優龍劣虎

南齊王僧虔戒子書曰王氏門中優者如龍劣者猶

虎豹

得父膏腴

南齊世祖問當今誰能為五言詩儉對曰謝朓得父膏腴

靖恭楊

楊汝士父子並為公卿居靜恭里號靜恭楊家

舐犢之愛

楊彪子脩為曹操所殺公後見彪曰何瘦之甚曰愧無日碑先見之明猶懷羸牛舐犢之愛曹操為之改容本傳

五龍

汝南周燕少卿之五子號曰五龍並以儒素為業

公沙五龍

公沙穆之五子並有令名號公沙五龍

食以銅盤

魏楊愔字遵彥少時其父於竹林中置別館處之食以銅盤以別於諸子

風氣日上

王平子與人書稱其兒風氣日上足散人懷澄第四子微別傳云微邁上有父風

鳳毛

王邵字敬倫風姿似父桓公望之曰大奴固自有鳳毛

百果宗

張敷小名攄父邵小名黎宋文帝嘗戲之曰攄何如黎敷曰黎是百果之宗攄何敢比也

不書官紙

阮孝緒十餘歲隨父為湘州行事不書官紙以成親之清白

家母

陳思稱其父為家父稱其母曰家母侯霸子孫稱其

祖曰家公潘尼稱祖曰家祖顏氏家訓

魯公拜後

帝王世紀成王親政以周公為太師封伯禽子魯父子並命周公拜於前魯公拜於後

積習名教

柳公綽之子仲郢有父風牛僧孺曰非積習名教何以致此

瓜髮為信

劉休賓妻及子文日華俱入魏嘗通使文日華哭泣以瓜髮為信休賓抗瓜髮而泣

龍文

裴宣明二子景鸞景鴻並有逸才河東呼景鸞為驥子景鴻為龍文

子姓

竇嬰已為大將軍方盛田蚡為諸曹郎未貴往來侍酒嬰所跪起如子姓

親父為虎

語曰雖有親父安知不為虎雖有親兄安知不為狼

西漢韓安國傳

惡子

尹賞修治長安獄為虎穴捕少年惡子以次內虎穴中覆以大石數日盡死注不承父母教命者

蘇夔無父

蘇威子夔揚素甚奇之每戲威曰揚素無兒蘇夔無父

門子

嫡子代父當門戶也

補亡詩注

克父祈薪

克父祈薪名紹堂構孔璋檄

橋者父道

伯禽康叔朝於成王見乎周公三見而三答之二字
有駭色乃問於商子曰吾二子見於周公三見而三
答何也商子曰南山之陽有木名橋南山之陰有木
名梓二子何不往觀也於是二子往觀之見橋木高
而仰見梓木實而俯二子還告商子商子曰橋者父
道也梓者子道也

祖孫門

鼻祖

始祖也山谷詩鼻祖以來傳父兄

大父

婁敬說高帝以長公主妻冒頓曰冒頓死則外孫為
單于豈間外孫敢與大父抗禮者哉本傳

大小鄭君見刺史門

一不為少見敏慧門

頰似

謝公謂殷顓曰阿巢故頰似鎮西阿巢殷顓小字鎮
西其外祖也

公才公望

王儉作宰相賓客盈門見其孫暕年數歲而風神聳
拔曰公才公望復在此乎

諸孫之龍

王慧龍幼聰慧其祖愉以爲諸孫之龍故以名之

南祖

李氏世居栢仁後李義南徙故累世謂之南祖

耳孫

耳孫曾孫也言去曾高益遠但耳聞之

末孫

雖有禹湯之德不能訓末孫之桀紂

大母

李太后梁平王之大母也注祖母也

離孫

序訓云晉江韓滉乃余五代祖之離孫弟兄十人皆
我出必是外孫也

擲鏡鑷

齊高帝令左右拔白鬢林玉年五歲戲床前帝問之
曰兒言我誰耶曰太翁帝笑謂左右曰豈有爲人作
曾祖而拔白髮者乎即擲鏡鑷

母子門

堂室

感物戀堂室離思一何深堂謂母室謂妻 陸士衡詩

母師

魯九子之寡母穆公賜號母師列女傳

倚門望

王孫賈年十五母曰汝朝出晚來倚門望暮出不歸

倚廬望

帶圍

列女傳魏芒慈母前妻之子犯令當死母憂戚帶圍

減尺

宣文母見時號雜名門

絳紗幔

晉常逞母宋氏年八十餘隔絳紗幔授生員周官音

義

民母

衛青少時民母之子皆奴畜之不以為兄弟數服虔

曰民母嫡母也

萬石嚴媪見時號數稱門

一斫頭

高頰初為僕射其母誠之曰汝富貴已極但欠一斫

頭耳

極輿

海陽書房金言子集
大夫夫人乃御板輿升輕軒潘岳賦

兄弟門內外兄弟附

馬磨

許靖與從弟劭俱知名而私情不協劭為郡功曹排擯靖不得齒以馬磨自給

白眉

馬良字季常襄陽人兄弟五人並有才名鄉里為之
諺曰馬氏五常白眉最良良眉中有白毛故稱之

令弟

末路值令弟開言披心宵靈運答惠連詩

分形同氣

分形同氣曹子建與文帝兄弟故云

大弟

聊與大弟陳其苦懷耳應休連詩

連枝樹

况我連枝樹與子同一身言兄弟也

崑山

崑山陸機兄弟所生時人比之崑崗出五故以名云

阿于

晉書吐谷渾慕容廆之長兄也因爭馬而別鮮卑謂

兄爲阿于魂追思之作阿于之歌

三筆六詩

劉孝綽兄弟相勗以學並工屬文孝綽嘗云三筆六詩三即第三第孝儀六即第六第孝威

兩驥

劉正兄弟二人時號兩驥

何氏三高見隱逸門

雙珠

孟昶與弟顓並美風姿時人謂之雙珠

不咸

咸和也左氏云弔二叔之不咸

外昆弟

唐人兩姨之子相謂爲外昆弟

五王帳

見帳門

龍躍雲津

晉張華見褚陶謂陸機曰君兄弟龍躍雲津

小鴈

送小季之廬山云小鴈過鑪峯影落楚水下李賀

靖恭諸陽

見世家門

大小馮君

見刺史門

大小東陽見刺史門

大小秦君

唐書秦景通并弟暉皆精漢書號大秦君小秦君

玉昆金友

南史琳子銓第錫銓雖學不及錫而孝行齊焉時人以銓錫二玉可謂玉昆金友矣

文龍

北齊梁愔為從兄昱所重曰是兒我家文龍

兩鳳連飛

北齊崔陵與弟仲文同日受拜時云兩鳳連飛

二黃

黃穆為山陽太守有德政弟英守武陵貪穢無行武陵人諺曰天有冬夏人有二黃言不同也出襄陽耆舊傳

王氏三英

王氏三英王潘兄弟

三列宿

唐常叔諧與弟叔謙兄季武為郎中同時在省時號三列宿常湊傳

常氏三君

見時號
數稱門

常三義

常號之才三子兄弟友號常三義

蠟鳳

王僧虔年數歲與諸子戲僧達下地戲作虎僧虔獨正坐採燭蠟為鳳父曇曰此子終為長者

花萼集

唐李人兄弟並有文才同一集共二十卷號花萼集

桃傷李仆

樂府鷄鳴篇言桃傷李仆喻兄弟相為表裏

上留田行

舊說上留田地名此地人有不字其孤弟者隣人為

作悲歌以諷

洛中雅雅

洛中雅雅有三嘏劉梓字純嘏宏字終嘏漢字冲嘏是親兄弟

阿凡

張緒從弟融敬緒如親兄緒死賣酒於靈前慟哭曰阿兄風流頓盡

腰帶減半

南史何點其兄求死點菜食不飲訖子三年衣帶減半

三陸

南史陸倕陸佐陸倕並有並美名時人謂之三陸

同胞共氣

同胞共氣謂兄弟也

三虎

陸寬兄弟並有才品議者稱為三虎

一錢尺帛

崔孝儒奉其兄孝芬盡恭順之禮一錢尺帛不入私

房

有義有禮

房景伯兄弟交順鄉里為之語曰有義有禮房氏兄

弟

同體共氣

同體共氣分憂均戚言父子兄弟如此

邀時投隙

賀拔允昆季並邀時投隙展効立功

昆弟語

淮南生安衡山王賜相貴望禮節間不相能後過淮南淮南王乃昆弟語除前隙約束反具注為相親愛之語也

具爾

怨具爾之多喪詩云戚戚兄弟莫遠具爾歡逝賦

自同匪它

自同匪它言如兄弟詩曰豈伊異人兄弟匪它

德星社見

飽蓬蓬

淮南鴻列解叙一尺繒好童童一升粟飽蓬蓬兄弟

二人不相容

叔姪門子弟附

還歸惹肆

梁呂僧珍其先以販惹為業及僧珍貴其兄子棄業求官不許曰汝等自有常分豈可妄求但當還歸惹

肆耳

佳子弟

王羲之為從伯敦導所器敦嘗謂曰汝是吾家佳子弟當不減阮主簿阮裕也有重名

終身讓路

終身讓路不枉百步終身讓畔不失一段朱仁軌誨子弟之言

庭誥

顏延之平居無事爲庭誥之文以訓子弟

當家寶

劉彥詢卒其叔豹傷惜以爲喪當家之寶

膏梁兄弟

李冲曰未審上古以來置官列位爲欲爲膏梁兄弟爲欲益政贊機

露板引咎

子弟有坐宜令父兄露板引咎

人定鍾

柳公綽每日與子弟論文或講求蒞官治家之要至

人定鍾始歸寢

諸下

李華與外孫崔氏書云予小時起居尊行三時侍食今者諸下日出高眠何嘗有此

宗親門

華宗

謝宣遠答謝靈運華宗誕吾秀之子紹前胤

內兄

陸厥韓卿有答內兄願躬希叔詩

密親

總轡登長路嗚咽辭密親言近親也陸士衡詩

三族

父母兄弟妻子也說者或謂父族母族妻族者非也漢誅英布而不及吳芮則可知矣布芮婿

舅姑門子婦附

大人公

比間風俗婦呼舅為大人公

先舅先姑

沒則曰先舅先姑禮記

不傳

舅姑之衣衾簟席枕几不傳傳移也禮記注

婦初來

家訓載俗諺云教婦初來教兒嬰孩

小婦

徐陵諸兄二千石小婦字羅敷

婚娶門

蹇脩

郭景純游仙詩靈妃顧我笑粲然啓

存要之將誰使注蹇脩古賢媒

郁稷

郁穆舊姻媾婉新婚皆和美之稱劉越石

昏時

白虎通云婚者謂昏時行禮

花燭夜

何遜看新昏詩何如花燭夜燭扇掩紅粧

靨星

褚亮詠花燭夜詩靨星臨夜燭眉月隱輕沙

三玄見祿仕門

婚姻

後漢順帝紀注云妻父曰婚婿父曰姻

納采

始采擇於其族未知其長少為誰

序端

婚禮主人受幣於序端音訓曰廊首也

九子墨

通典鄭眾言婚禮有合歡鈐取音聲和諧九子墨取

生長子孫

牽絲為婚

張嘉貞有五女欲納郭元振為婿令五女各以一絲
元振從簾外牽之得第三女開元遺事

世婚

羊鄧是世婚言世為婚姻也

遠求驕驥

馮素弗微時造南官令成藻求昏藻命門者勿納素弗徑入與藻對坐旁若元人藻始竒之曰吾遠求驕驥不知近在東鄰何識子之晚也

重親

呂后欲為重親以魯元公主女配惠帝為皇帝

當梁年

俗以子午卯酉年謂之當梁年其年娶婦舅姑不相

見唐禁之

不息燭

孔子曰言嫁女之家三夜不息燭娶婦之家三日不舉樂

擁面

女子出門必擁蔽其面擁猶障也

奉醮

妾昔初奉醮歸於賀氏

嘉姻

名予以國士眷予以嘉姻懷舊賦

作嬪

作嬪君子室顏延年

鶴為媒

望瑤臺之偃蹇見有娥之侯女吾令鶴為媒兮鶴告
余以不好騷經

伉合

交二族之和卞伉合之義沈休文彈奏文

門素

因宜本其門素不相奪倫言婚姻也上

結摛

女嫁母為結其摛帶也沈休文彈文結摛以行

覓婚

見託為息鸞覓婚上

玉滿連姻

玉滿連姻實駭物聽潘楊之睦有異於此上

施衿結帨

儀禮女嫁母施衿結帨帨巾也

連昏

王鳳連昏楊彫汪連昏者婚家之婚親也王商傳

風聞

沈休文彈王源云風聞東海王源嫁女與富陽滿氏
漢書尉佗曰風聞老夫父母墓已壞削賈逵曰風未
也未聽商旅之言也

簿閱

即索璋之簿閱 沈休文彈文

有斧無柯

有斧無柯何以自濟 陳孔璋檄

夫婦門

鶴望

諸葛亮曰去者束薪以待期妻子鶴望而計日

同懷子

顧彥先贈婦感人心同懷子即其婦也

堂室 見母子門

斜其被

黔婁先生卒覆以布被覆頭則足見覆足則頭見曾
西曰斜其被則斂矣妻曰斜之有餘不若正之不足
先生生而不斜死而斜之非先生之意 高士傳

買臣故妻

漢會稽太守治於吳朱買臣載其故妻到太守舍置
園給食之即今州宅之地

鮭蛭羶

晉嵇含伉儷詩夏搖比翼翁冬坐鮭蛭羶

鰓魚渴鳳

李義山鰓魚渴鳳真珠房

寡鵠羈凰

寡鵠迷蒼壁羈凰怨翠梧

妬夫媚婦

王充論衡云妬夫媚婦生則忿怒聞訟媚是妬別名

公夫人

山濤妻韓氏有才識朱仕時戲之曰忍寒我當作三

公不知卿堪為公夫人不耳

卿卿

王安豐婦卿安豐曰婦人卿媚於禮為不敬後勿

復爾婦曰親卿愛卿是以卿卿我不卿卿誰復卿卿

忌妻悍室

劉孝標曰吾與馮衍有三同敬通有忌妻至于自操

杵曰余有悍室亦令家道輒軻

潘將軍

後漢楊大眼妻潘氏善騎射楊稱之為潘將軍

比有人

三異記吳都海鹽陸東美妻朱氏並有容止寸步不相離時人號比有人後卒合葬處上生梓樹同根二身相抱而合成一樹孫權封其墓曰比扇墓後子弘與妻蘇氏亦相愛慕吳人又呼為小比肩

傷春詞

呂文甫喪妻東坡為作傷春詞

河魁在房

李戴仁與妻閻氏異室約曰有興則見一夕閻扣戶欲見戴仁取百忌曆燈下看之大驚曰今夜河魁在房豈可行事語小監曰傳語縣君謝到荆南近事

眉憮

張敞為婦畫眉長安中傳張京兆眉憮音嫵言媚好也

輕媚

張敞被輕媚之名謂為妻畫眉也古惰字

外婦

齊悼惠王肥其母高祖微時外婦也注謂與旁通者高五王傳

細君

歸遺細君何其廉也東方朔傳文細小也自比諸侯

故謂其妻曰小君

愁水愁風

那作商人婦愁水復愁風李白

兔絲花

君為女蘿草妾作兔絲花百文託遠松纏綿成一家

李白詩

忝齊眉

我非東床人令婦忝齊眉上

連根同死

願為連根同死之秋草不作飛空之落花上

清路塵

君若清路塵妾如蜀水泥選古詩

陌上歌

陌上桑出秦氏女也秦氏有女名羅敷為王仁妻仁為趙王家今王見羅敷美欲奪焉羅敷巧彈箏作陌上之歌以自明羅敷艷歌

丁妻

誰家幼女敲箏歌何處丁妻點燈織李德裕詩

共夕香

同瓊珮之晨照共金爐之夕香江淹別賦

姊姒門

姊婦

長婦謂雅婦為姊婦姊婦謂長婦為姒婦尔雅

先後

長陵女子以乳死見神於先後宛若注產乳而死也
先蘇見反後胡構反古謂之姊姒今關中俗呼為先
後吳楚俗呼為妯娌西漢志

鍾郝禮法

晉王渾妻鍾氏字琰弟湛妻郝氏皆有德行琰雖門
高與郝氏相親重郝不以賤下琰琰不以貴陵郝時

人稱鍾夫人之禮郝夫人之法

嫂叔門

食糠覈

陳平為人長大美色人或謂平貧何食而肥其娒疾
平之不親家生產曰亦食糠覈耳

不冠不入

馬援敬事寡嫂不冠不入廬住彥升彈文

叔即

叔即小叔也見上

為別

世說阮籍嫂嘗還家籍見之為別或譏之籍曰禮豈為我設邪

丘嫂

高祖過其丘嫂食注大嫂也史記作巨

解圍

晉王凝妻謝氏道韞獻之與客談議詞理將屈道韞遣婢白獻之曰欲與小郎解圍

姻戚門

親家公

北史李渾傳隋文帝曰吾宗社幾傾賴親家公而獲

全

戚閉

宋太子妃哀用飛芳戚閉

四姻九戚

四姻九戚方走贄來賀不幸以其月卒夫人魏氏暮

銘韓公遺文

享末

敢因享末有志庠均王僧孺為蕭利監求入學啓

葭享親

今群臣非有葭享之親注葭芦也享者其筓中白皮至薄

者也葭莩喻附著之意

連昏

王鳳連昏揚形注連昏者婚嫁之婚親也

天姻

衛霍天姻金張世族陸龜蒙吾賦

奉嬪高族

伊女子之有行爰奉嬪於高族寡婦賦

情話

悅親戚之情話陶淵明賦

潘揚之睦

潘揚之睦有自來矣潘安仁諫

甥舅門外家附

似舅

桓玄曰何無忌劉牢之外生酷似其舅今舉大事何謂無成晉本傳

驅使草木見賓客門

當歸阿士見敏慧門

家舅

習鑿齒二舅相繼為襄陽都督習與弟書云每定省家舅

無對曰下

陸杲字明霞好學舅張融有高名杲風韻舉止頗類時稱曰無對日下唯舅與甥

外家惡

呂氏以外家惡而幾危宗社西漢

母家惡

大臣欲立淮南王以為少母家又惡上

牙後惠

殷浩云康伯未得我牙後慧康伯浩甥也甚愛之世說

時似

桓豹奴是王丹陽外生形似其舅桓甚諱之宣武云不怕相似時似耳恒似是形時似是神桓逾不悅上

婦人門賢美惡姑寡附

十二妹

白樂天詩九燭臺前十二妹主人留醉任歡娛

半面粉

梁元帝徐妃無寵每知帝至必為半面粉以俟以帝眇一目帝見大怒而出

蘭秘

柔中淵映芳猷蘭秘顏延年詩

雅步

雅步擢纖腰巧笑發皓齒陸士龍詩

伉佳

上芳止防脂二反下許維反淮南子嫫母伉佳說文云伉佳醜面也

綺熊

綺熊隨顏變沈姿無定源羅敷艷歌行

媵娟子

肆呈窈窕客路曜媵娟子皆美好貌謝靈運詩

娥娥

盈盈樓上女皎皎當戶牖娥娥紅粉裝纖纖出素手

選古詩

空牀

蕩子行不歸空牀難獨守上

雙題

微芳起兩袖輕汗染雙題額也言美人用力而然謝惠連詩

約素

肩若削成腰如約素洛神賦

秀色可餐

陸機艷歌行云鮮膚一何潤秀色若可餐

蘅薄

踐椒塗之郁烈步蘅薄而流芳並上

微步

凌波微步羅襪生塵注言輕步於水波之上如塵生也上

姱容脩態

姱容脩態組洞房宋玉

靡顏膩理

靡顏膩理靡好也膩滑也上

秋草萎

過時而不采將隨秋草萎選古詩

宋亡人

未亡人出左傳寡婦自稱也

楚娃

服虔通俗云南楚以美色為娃

掛玉釵

相如賦美人云玉釵掛臣冠羅袖拂臣衣

露靨輔

晉傳玄歌云巧笑露靨輔衆媚不可詳

蟬鬢

崔豹古今注云魏文帝宮人莫瓊樹始製為蟬鬢望
之縹眇如蟬翼然

頰蛾

劉孝綽詩送態表頰蛾迴羞出慢臉

挂纓

江總挂纓銀燭下莫笑玉釵長

慵來裝

趙婕妤為卷髮號新興髻為薄眉號遠山黛施小朱

號慵來裝趙後外傳

遠山黛見上

溫柔鄉

趙婕妤名合德初進帝大悅以輔屬體合德無所不
靡謂為溫柔鄉謂樊嬖曰吾若是鄉足矣不能効武
皇求白雲鄉也上

體自香

成帝私語人曰趙后雖有異香不若婕妤好體自香
也上

一搦

李百藥千金笑裏面一搦抱中腰

雙綺繡

路逢雙綺繡問君居遠近

兩鬟妹

張正見千金一巧笑百萬兩鬟妹

莫愁

河中之水歌云河中之水向東流洛陽女兒名莫愁
莫愁十三能織綺十四採桑南陌頭十五嫁作盧家
婦十六生兒似阿侯盧家蘭室桂為梁中有鬱金蘇
合香頭上金釵十二行足下絲履五文章珊瑚挂鏡
爛生光平頭奴子擎履箱人生富貴何所忘恨不早

嫁東家王

金釵十二見上

一顧

中山博子妾歌云一顧傾城

半額頻

蟬怯折腰步蛾驚半額頻

驚翠眉

古今注梁冀妻孫壽改驚翠眉為愁眉

香靨

曉奩粧秀靨夜帳減香筒李賀

香筒見上

梳碧鳳

陂陀梳碧鳳
腰裏帶金虫上

蛾黛

月分蛾黛破花合
鬢未融上

蛾翠

含水彎蛾翠上

峩髻

二月詞薇帳
逗煙生淥塵金翅
峩髻愁暮雲水日
颯

起舞真珠裙上

鬢環

李賀十月詞
玉壺銀箭稍難傾
缸花夜笑凝幽明珠
惟穩卧不成眠
金鳳刺衣着體寒
長眉對月鬢鬢環

寒鬢

寒鬢斜釵玉燕光
高樓唱月敲懸璫上

楚腰衛鬢

市南曲陌無秋涼
楚腰衛鬢四時芳上

巫雲蜀雨

雜鸞別鳳煙
梧中巫雲蜀雨遙相通上

鬢雙綠

上客留斷纓殘蛾闥雙綠上

大喬小喬

吳志周瑜從孫策攻院得喬公兩女皆國色策自納大喬瑜納小喬

行義桓釐

後漢劉長慶妻桓氏夫卒刑耳以自警表其門閭云行義桓釐

花見羞

花見羞邠州餅家王氏子也有美色少賣梁故將為侍兒鄆卒唐明宗取之後為淑妃梁將劉鄩也

白頸鴨

白頸鴨五代陳洲人婦人也為賦帥

武負

高祖從王緼武負貫酒注古語謂老母為負劉何列女傳云魏曲沃負者魏大夫如耳之母

婦人稱姬

師古云姬者本周之姓貴於諸國之女故婦人美號皆稱姬焉後因總謂眾妾為姬

顏如茶

房中歌顏如茶注管茅也言美女顏貌如管茅之柔

也

美連娟

美連娟以修嫻芳注連娟纖弱也嫻美也音玄娟一全反

丈夫心

師古曰朱喜桀之妃有施氏女也美於色薄於德女子行丈夫心

青蛾眉

由來紫宮女共妬青蛾眉李白

桃李年

常蘇州自惜桃李年誤身遊俠子言閨婦也

挂葉眉

注口櫻桃小添眉挂葉濃

服藥下乳

賀喬妻子氏無子乞喬仲兄之子服藥下乳以乳之

嬌兒乳

朱少帝前溪曲云寧斷嬌兒乳不斷即慙慙

妬鱗

梁張績妬婦賦云忽有逆其妬鱗犯其忌制赴湯蹈火瞑目攘袂

忌制見上

啼粧

桓帝時京都婦女作愁眉啼粧愁眉者細而曲折啼粧者薄拭目下若啼處後漢志

流睇

微眇流睇睇傾視也南都賦

連卷

蛾眉連卷上

嬌春

羅與綺兮嬌上春別賦

眉嬋娟

眉嬋娟以增繞目流涕而橫波又眉嬋娟似蛾揚兮

神女賦

姣姬

晰兮若姣姬揚袂障日而望所思姣音絞高唐賦

燁如花

須臾之間美貌橫生燁手如花温乎如瑩神女賦

穠不短

穠不短纖不長

東家子

臣里之美者莫如東家之子 宋玉

眉如翠羽

眉如翠羽肌如白雪 上

嫣然笑

嫣然一笑惑陽城迷下蔡 宋玉神女賦

諸好備

茂矣美矣諸好備矣言神女也 宋玉賦

流風迴雪

飄飄兮若流風之迴雪 上

灼若芙蕖

灼若芙蕖出綠波 宋玉

穠纖得中

穠纖得中脩短合度 上

明眸善睐

明眸善睐音賴

宜笑

離騷云靨輔竒牙宜笑鳴

儀靜體閑

儀靜體閑瓌姿艷溢 上

綽態

柔情綽態媚於語言洛神賦

骨像應圖

言應圖畫也上

珥瑤碧

珥瑤碧之華瑤音居上

堆粲

披羅衣之堆粲上

霧綃裙

曳霧綃之輕裙

拾翠

或采明珠或拾翠羽上

玉肌

玉肌無軫五銖輕北里志詩

微情効愛

無微情以効愛獻江南之明璫洛神賦

明璫見上耳珠曰璫

懷春粲

皎皎彼妹子的的懷春粲言如春華之美陸士龍詩

理清曲

被服羅裳衣當戶理清曲選古詩

簪玉鳴金

簪玉出北房鳴金步南階謝惠連

嫉蛾眉

衆女嫉余之蛾眉楚詞

蛾眉曼睩

蛾眉曼睩目騰光音祿視貌上

目曹波

嬉光眇視目曾波上

翠翰眉

陸機艷歌行云美目揚春澤蛾眉象翠翰

澹小蛾

李白柳枝詞佳人微醉玉顏配笑倚粧樓澹小蛾

玉纖纖

温庭筠偶題盡明金冉冉箏語玉纖纖

三春蕩

昔爲三春蕩今作秋蓮房陶淵明

妬玉人見后妃門

致拳拳

古樂府有定情篇言婦人不能以禮從人而自相悅媚乃解衣服玩好致之用叙綢繆之志若臂環致拳

拳指環致殷勤耳珠致區區香囊致扣扣條脫致契
闊佩玉結思情而期於山隅山陽山西山北終以不
答乃以傷悔焉

星靨

華岳三夫人媚李湜云笑開星靨花媚玉顏

二七

梁簡文等擬古云少年年紀方三六新粧年紀纔三
五年時二七猶未笄今年二八新紅臉古樂府

連頭眉

一畫連心細長謂之連頭眉又曰仙蛾粧漢武故事

美女破舌

荀息引周書云美女破舌美男破老諸集拾遺

林下風

顧家婦水清五映是閨房之秀王夫人神情朗徹有

林下風晉書

星娥

星娥月姊四六集

館娃宮

館娃宮以西子得名吳人謂美女為娃

北北斗

北北斗於心事繼陽臺於夢思

愁深半額

愁深半額工夫未及橫蛾病減細腰氣力劣能烹鯉

梳子同心

梳子同心捺枝連理

眉語

柳宜興云窻踈眉語度

木瓜粉

良人為漬木瓜粉遮却紅腮交午痕

胡香

胡香細炷未肯將燻洛醫小規亦應慵點

釵梁

出意挑鬟一尺長金為細鳥簇釵梁

愁機悶綉

愁機嬾織同心苎悶綉先描連理枝

眼分瓜核

眼分瓜核腰褭柳枝

百年妻

會稽太守蔡興宗以私米饋郭原平及朱百年妻百
斛原平不受百年妻亦同辭

歌黃鵠

列女傳魯陶門女少寡魯人欲求之女乃歌曰黃鵠
早寡七年不双宛頸獨宿不與衆同飛鳥尚然况於
貞長

崇義夫人

唐魏衡妻王氏爲薛仁果將旁企地所獲逼而妻之
後因醉取佩刀斬其首賊乃散高祖封崇義夫人

命婦門

萬歲鄉君

晉羊祐已死贈太尉鉅平侯封妻夏侯爲萬歲鄉君

女侍

元義妻封新平君後迂馮翊君拜女侍中

太夫人

漢文帝紀列侯太夫人無得擅徵捕妃淳曰列侯子
復爲列侯毋稱太夫人

國夫人

宋鄱陽縣侯孟懷五母拜國夫人

郡夫人

杜佑云高涼女子冼氏世爲南越首領有功冊爲高
郡夫人

太君

唐制四品妻為郡君五品縣君其母色號皆加太君

丈夫門 美惡附

玉裕 見太子門

玉人

衛玠乘羊車過洛陽市人感曰誰家玉人

釘座梨

唐崔遠時目為釘座梨言世所珍

貌侵

史記武安侯貌侵注音寢短小也服虔止讀如本字

晉書載左思貌寢唐書歐陽洵貌寢直作寢字

通佻

魏志劉表以王粲貌侵而弱體通佻不甚重也注貌侵謂貌負其實也通佻者簡易也佻他活反玉篇云輕也

鬼質

鬼質盧杞

癯露

露瘦也列子其形甚露

鬼躁

魏尚書鄧颺行步弛縱筋不束體坐起傾倚若無手足此貌之不恭也管輅謂之鬼躁鬼躁者凶終之徵後卒誅也

善用三短

後魏李諧因瘦而舉頤因跛而緩步因蹇而徐言

冠玉

絳灌等讒陳平曰平雖美丈夫如冠玉耳其中必未有也

兩玉人

見時號數稱門

折拉

范睢以折拉而危穰侯言折脅拉齒解嘲

女門

閨怨附

門上楣

楊氏貴寵隆盛當時謚詠云生女勿悲酸生男勿喜懽又曰男不封侯女作妃君看女却為門楣

十八鬟

春風爛熳恼嬌慵十八鬟多無氣力李賀詩

進士不擲

唐關圖妹女學書擲罔不動人圖常謂人曰我家有一進士所恨不札耳南楚新聞

妖女

名都多妖女娛美也曹子建詩

待年

傳曰叔姬歸於紀至者歸者待年於父母國

一女英

津妾一棹歌脫父於嚴刑十子若不肖不如一女英

李白詩

吳女郎

浦邊清水明素足別有浣沙吳女郎李白詩

細馬馱

吳姬十五細馬馱

女表

羊緝之女佩在母亡不飲食三日而死鄉里號曰女表

呪桃花

粧臺記序北州才女醜妍面而呪桃花東國王孫舐嬌痕而求懶髓

女宗

宋鮑蘇之妻不妬宋公表其閭曰女宗列女傳

小家女

孫綽情人碧玉歌碧玉小家女不敢攀貴德感卽千金意慙無傾城色碧玉破瓜時相爲情顏倒感卽不羞卽迴身就卽抱

破瓜時見上

移夫適人

移夫適人謂嫁出

兒家門閉

唐人詩白玉堂前一樹梅今朝忽見數枝開兒家門戶重重閉春色因何得到來

打起鸞兒

唐人詩打起黃鶯兒莫教枝上啼幾回驚妾夢不得到遼西

女婿門婦翁附

金龜婿

無端嫁得金龜婿辜負香衾事早朝

李義山

諸倩

淳于意傳黃氏諸倩注齊人呼女婿爲倩言可假借

快婿

後魏劉昺少依郭瑀學瑀有女欲嫁遂設一席曰吾有女欲求一快女婿誰當坐此席者昺奮衣來坐曰

晒其人也遂妻之

上下同門

唐世姑之婿與姪之婿謂上下同門 國史補

得婿如龍

後漢李膺孫秀俱娶太尉桓馬女時人謂桓叔無兩女俱乘龍言得婿如龍 楚國先賢傳

是兒例

突厥致書曰皇帝是婦父即是翁此是女夫即是兒例

婦公

權德輿作相獨孤郁充翰林學士遷起居即以婦公辭內職

半子

唐會要德宗以咸安公主嫁迴紇可汗乃上言曰子婿半子也父若患於西戎子當遣兵除之

拜婿

異死陳忠女名豐鄰人葛勃有美姿豐與村中數女戲相謂曰拜婿如勃兄恨也

姊妹門

共乳

傳氣分形同胞共乳祭妹文又寒宵則松雪同明暖
晝則鶯花共笑

公堂輟饌

因語云庾約爲河南兵曹常於公堂輟已饌以餉寡
姊

維私

詩曰譚公維私尔雅云姊妹之夫爲私

海錄碎事卷第柒上

